

## **Ilokano - Sursurat - Comfort Scriptures**

**2 Taga-Corinto 1:1-4 1/2 Iti iglesia ti Dios idiy Corinto ken kadagiti amin a tattao ti Dios iti entero nga Acaya: Sapay koma ta parabur ken talna ti ited ti Dios nga Amatayo, kasta met ni Apo Jesu-Cristo. Naggapu kadakami daytoy a surat—ni Pablo nga apostol ni Cristo Jesus babaen iti pagayatan ti Dios, ken ni kabsattayo a Timoteo. 3 Agyamantay iti Dios, ti Ama ni Apotayo a Jesu-Cristo; wen, ti manangngaasi nga Ama, ti Dios a pagtaudan ti pigsatayo! 4 Tulongannatayo iti amin a sagsagabaentayo tapno matulongantayo dagiti addaan iti aniaman a pakarikutan babaen iti tulong met laeng nga inawattayo iti Dios.**

**Proverbio 15:13 Naisem ti tao no naragsak, ngem nalidem ti rupana no naliday.**

**1 Ar-ari 8:66 Iti maikawalo nga aldaw, pinagawid ni Solomon dagiti tattao. Dinaydayawda ti ari ket siraragsakda a pimmanaw gapu kadagiti amin a naimbag a banag nga impaay ni Yahweh ken ni David nga adipenna ken kadagiti tattaona nga Israelita.**

**1 Cronicas 16:10 Agragsaktayo ta kukuanatayo ti Apo; agragsak koma amin nga agdaydayaw kenkuana!**

**Proverbio 12:25 Ti danag ti mangikkat iti ragsak ti tao, ngem naimbag a sarita ti mangliwliwa kenkuana.**

**Proverbio 13:12 No madadael ti namnama, madadael met ti rikna, ngem ti pumudno a tarigagay, punnoennaka iti rag-o.**

**Isaias 30:26 Kaslanto raniag ti init ti raniag ti bulan. Mamimpitonto met ti karaniag ti init ngem ti sigud a raniagna, kas iti agtitipon a raniagna iti pito nga aldaw. Mapasamakto amin dagitoy inton bedbedan ken agasan ti Apo dagiti sugat nga impalak-amna kadagiti tattaona.**

**Oseas 13:8 Darupenkayto a kas iti ina nga oso a naitalaw dagiti urbonna, ket burayrayankayto. Kaslaakto la leon a mangalun-on kadakayo iti ayanyo. Wen, kaslaakto la atap nga ayup a mangrangrangkay kadakayo.**

**1 Samuel 1:8-10 Masansan a saludsoden ni Elcana, “Apay nga agsangsangitka, Ana? Apay a dika mangan? Apay a kanayon a nalidayka? Saanak aya a napatpateg kenka ngem iti sangapulo nga annak?” 9/10 Iti naminsan, kalpasan ti pannanganda iti balay ni Yahweh idiy Silo, timmakder ni Ana a kasta unay ti pannakariribukna. Agsangsangit iti nasaem bayat ti panagkararagna ken ni Yahweh. Kabayatanna, agtugtugaw idi ni Eli a padi iti lugarna iti abay ti ruangan.**

**Salmo 25:16,17 Taliawennak, O Apo, ket kaasiannak, ta agmaymaysaak ken nakapuyak. 17 Ikkatem dagiti amin a pakariribukak, ket aonennak iti amin a pakarigatak.**

**Salmo 34:18 Umasideg ti Apo kadagiti maupay; isalakanna dagiti awanen a**

**pulos ti namnamana.**

**Salmo 38:8 Agkakapsutak ket awanen ti pigsak; mariribukan toy pusok, ket agasugak gapu iti ut-ot.**

**Salmo 55:4 Toy pusok matuohan unay, nagtupak kaniak dagiti alliaw ni patay.**

**Salmo 61:2,3 Addaak iti adayo a daga, awanen ti namnamak ket umawagak kenka! Ipannak iti natalged a disso 3 ta sika ti salaknibko, ti napigsa a sarikedked kadagiti kabusorko.**

**Salmo 62:8 Tattaok, agtalekkay iti Dios iti amin a tiempo! Yamangyo kenkuana ti amin a parikutyo, ta isu ti pagkamangantayo.**

**Salmo 73:26 No agkapuy toy puso ken riknak, ti Dios ti mangpakired kaniak. Isu laeng ti agnanayon a masapulko.**

**Salmo 77:2,3 Agkararagak iti Apo iti tiempo ti pannakariribukko; agpatpatnag nga agkararagak a singangato dagiti imak ngem awan pannakaliwiwak. 3 Lagipek ti Dios ket agasugak; agammirisak ket maupayak.**

**Salmo 86:11 Isuronak ti kayatmo nga aramidek, O Apo, ket agtulnogak kenka a sipupudno; isuronak nga agserbi kenka a sipapasnek.**

**Salmo 109:22 Napanglaw ken nakakaasiak; nasaem ti sugat toy pusok.**

**Salmo 112:7,8 Dinto agbuteng a makangngeg kadagiti dakes a damag.**

**Natibker ti pammata, ket agtalek ken ni Yahweh. 8 Saan nga agdanag wenco agbuteng, di agduadua a makitananto a maparmek ti kabusorna.**

**Salmo 143:4 Isut' gapuna a ti anusko awanen, ket ti namnamak napukawen.**

**Salmo 147:3 Dagiti naupay, paragsakenna, ket bedbedanna dagiti sugatda.**

**Proverbio 14:30 Mangted iti salun-at ti natalna a panunot, ngem ti imon mayarig iti kanser a mangrunot iti tulang.**

**Eclesiastes 1:13 Inkeddengko nga usigen ken adalen dagiti amin a mapaspasamak ditoy lubong.**

**Intuding kadatayo ti Dios ti nasaem a kinadaksanggasat.**

**Eclesiastes 2:10 Nagun-odko amin a tinarigagayak. Inaramidko ti amin a kinaykayatko a pagragsakan. Wen, impannakkelko amin nga inaramidko ket daytoy ti gunggonak.**

**Eclesiastes 2:22,23 Ania ti magunggona ti tao iti amin nga aramidna, pagbannogan ken panagagawana iti daytoy a lubong? 23 Amin nga aramidenna iti unos ti panagi biagna awan ti magunggonana no di saem ken ladingit. Uray iti rabii, saan nga agtalna ti panunotmo. Awan serserbina amin daytoy.**

**Eclesiastes 11:10 Diyo ipalubos ti aniaman a banag a mangriribuk wenco mangted kadakayo iti saem. Saan a mabayag ti kinaagtutuboyo.**

**Isaias 30:29 Ngem dakayo a tattao ti Dios, naragsakkayto ket agkakantakayo a kas iti panagkakantayo iti rabii ti nasagradoan a fiesta. Naragsakkayto a kas kadagiti mapan iti Templo ti Apo, ti Mangsalaknib iti Israel, isuda a matoktokaran kadagiti flauta iti pannagnada nga agturong sadiay.**

**Isaias 57:15 Siak ti nangato ken Nasantoan a Dios nga agbiag iti agnanayon.**

**Agnaedak iti nangato ken nasantoan a lugar ngem makipagnaedak met kadagiti tattao a napakumbaba ken nakakaasi, tapno mapasublik ti panagtalek ken namnamada.**

**Isaias 65:14 Agkantadanto gapu iti rag-o, ngem agsangitkayto gapu iti ladingityo.**

**Isaias 66:13,14 Liwliwaenkayto idiy Jerusalem a kas iti panangliwiwa ti maysa nga ina iti anakna. 14 Agragsakkayto inton makitayo a mapasamak daytoy. Papigsaen ken pasalun-atennakayto. Iti kasta, maammoanyonto a siak, ni Yahweh, tulongak dagiti agtulnog kaniak, ket idissuorkonto ti pungtotko kadagiti kabusorko.**

**Jeremias 15:16 Ket kinunak, “O Apo, ammok a maawatam. Laglagipennak kadi ket tulongannak. Balsem dagiti mangidadanés kaniak. Dimo palubosan ida a mangpapatay kaniak. Laglagipem a gapu kenka, pinabpabainandak.**

**Jeremias 24:7 Riingekto ti riknada nga agtarigagay a mangammo a siak ni Yahweh. Agbalindanto a tattaok ket siakto ti Diosda agsipud ta agsublidanto kaniak iti amin a pusoda.**

**Juan 14:1 Kinuna ni Jesus kadakuada: “Saankayo a madanagan ken mariribukan. Mamatikayo iti Dios, ken mamatikayo met kaniak.**

**Juan 14:27 Kappia ti ibatik kadakayo. Ti bukodko a kappia ti itedko kadakayo. Ngem saan a kas iti pannangted ti lubong ti pannangtedko kadakayo. Dikay madanagan ken mariribukan. Dikay agbuteng.**

**Juan 16:6 Ket ita ta imbagakon kadakayo, agladingitkayo.**

**Juan 16:22 Kasta met kadakayo: Agladingitkayo ita, ngem makitakayto manen ket agragsakkayto. Wen, addanto rag-o nga awan ti siasinoman a makaikkat kadakayo.**

**Dagiti Aramid 2:46 Inaldaw a mapanda a sangsangkamaysa iti Templo. Siaayat ken siraragsakda a nagkakapangan kadagiti balbalayda.**

**Taga-Roma 9:2 no ibagak a napalalo ti ladingitko. Saan a maep-ep ti saem ti pusok**

**2 Taga-Corinto 2:4 Kasta unay ti pannakariribuk ken panagdanagko idi nagsuratak kadakayo; adu a lua ti nagarubos! Ngem awan a pulos ti panggepko a mamagladingit kadakayo. Kayatko laeng a maammoanyo no kasano ti kadakkel ti ayatko kadakayo.**

**Taga-Efeso 5:19 Iti panagsasaritayo, usarenyo dagiti balikas dagiti salmo, himno ken naespirituan a kankanta. Kantaanyo ti Apo kadagiti himno ken salmo a buyogan ti naimpusoan a panagdaydayaw.**